


Յ Ա Ի Ե Լ ՈՒ Ա Ծ Զ

ՔԱՂՈՒԱԾՔ ԺԱՄԱՆԱԿԱԳՐՈՒԹԵԱՆ Տ · ՍՏ · ՍՏԵՓԱՆԵԱՆ

Ա Ի Ա Գ Ե Ր Ի Յ Ո Ւ Կ Ա Մ Ե Ն Ի Յ Ա Յ



1350. Հայք Կամէնցացիք յայսմ ամի սկսան ի ձեռն բրիվիլեկաց (privilege) թագաւորացն Լէհաց, զդատարանս առնել. մինչ զի կարող եղեն և զմահապարտսն մեռուցանել, առանց հրամանի կամ թոյլտուութեան Լեհաց: — Մոհրն (կնիք) ևոցա:

Լէօպօլիօ քաղաքն Լեհաց վերստին հաստատեցաւ և նորոգեցաւ ի Գազմիրէ Մեծէն Լեհաց թագաւորէն:

1363. Աթուակալ եկեղեցին Հայոց որ ի Լէօպօլիս՝ կատարեցաւ յայսմ ամի, և գրեցաւ կոնդակ նորին, օգոստոս 3: Հիմնողք նորին եղեն Յակոբ Շահինշահի որդին Կաֆայեցի, Փանոս որդի Աբրահամու Հալաչեցի:

1365. Յօհաննէս առաջին արքեպիսկոպոս Լէօպօլիսի Հայոց, յայսմ ամի սկսանի զառաջնորդութիւնն Հայոց ի Լեհաստան (1):

1384. Գրիգոր արքեպիսկոպոսն Լէօպօլիսի Հայոց՝ էր յայսմ ամի, ասէ Եզու Հէրպ. բայց է սխալութիւն. զի Յօհաննէսն Ա՝ էր կենդանի (յամի)

1398. եթէ ոչ և միւս Յովհաննէս զկնի Գրիգորիս նստեալ իցէ: Տես 1420 և 1446:

1398. Տէր Յովհաննէս առաջին արքեպիսկոպոսն Լէօպօլիսի Հայոց՝ քանզի յառաջ քան զսա՝ զայլ ոք արքեպիսկոպոս ոչ ուրեք կարացաք գտանել, — զոր ոմանք ի թագաւորական ազգէ եղեալ ասեն, — սա ոչ միայն Լեհացոց՝ այլ և Պուլտանաց երկրի Հայոց առաջնորդ էր. որպէս յայտ է ի մագաղաթեայ կոնտակէն կառուցման եկեղեցւոյն Ս. Նիկողայոսի՝ որ ի Կամենից. յորում

1. Կոնդակ Մեսրոպէայ կաթողիկոսի (տես յերես 3 գրոցս) այսու թուականաւ զԳրիգոր կարգէ առաջնորդ Լեհացոց: